


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

FEB 20 1957

T 855/4241

3



子路第十三

子路問政子曰先之勞之詩子曰君子之德風也小人之德草也

仲弓為季氏宰問政子曰先有司放小過舉賢才曰焉知賢才而舉之曰舉爾所知爾

所不知人其合諸

子路曰衛君待子而為政子將奚先子曰必

也正名乎子路曰有是哉子之迂也奚在

正子曰野哉由也君子於其所不知望而畏

也

子路第十三

五論
附後

子路問政子曰先之勞之請益曰無倦

妙

仲弓為季氏宰問政子曰先有司赦小過舉

賢才曰焉知賢才而舉之曰舉爾所知爾

所不知人其舍諸

是

子路曰衛君待子而為政子將奚先子曰必

也。正名乎。子路曰有是哉。子之迂也。奚其

正。子曰野哉。由也。君子於其所不知。蓋闕

哈佛大學
圖書館
珍藏印

如也。名不正則言不順，言不順則事不成。事不成則禮樂不興，禮樂不興則刑罰不中，刑罰不中則民無所措手足。故君子名之必可言也，言之必可行也。君子於其言，無所苟而已矣。

子路那得知

樊遲請學稼。子曰：「吾不如老農。」請學爲圃。曰：「吾不如老圃。」樊遲出。子曰：「小人哉！樊須也。上好禮則民莫敢不敬，上好義則民莫敢

不服。上好信則民莫敢不用情。夫如是則四方之民襁負其子而至矣。焉用稼？」如此說來

子曰：「誦詩三百，授之以政，不達，使於四方，不能專對，雖多亦奚以爲？」可得誦詩之法

子曰：「其身正，不令而行；其身不正，雖令不從。」

子曰：「魯衛之政，兄弟也。」巧

子謂衛公子荆：「善居室。始有曰：『苟合矣。』少有曰：『苟完矣。』富有曰：『苟美矣。』」討便宜

憂心

子適衛冉有僕子曰庶矣哉冉有曰既庶矣

又何加焉曰富之曰既富矣又何加焉曰

教之真經濟

子曰苟有用我者朞月而已可也三年有成

子曰善人爲邦百年亦可以勝殘去殺矣誠

哉是言也殺字慘

子曰如有王者必世而後仁

子曰苟正其身矣於從政乎何有不能正其

身如正人何

冉子退朝子曰何晏也對曰有政子曰其事

也如有政雖不吾以吾其與聞之狠

定公問一言而可以興邦有諸孔子對曰言

不可以若是其幾也人之言曰爲君難爲

臣不易如知爲君之難也不幾乎一言而

興邦乎曰一言而喪邦有諸孔子對曰言

不可以若是其幾也人之言曰予無樂乎

為君唯其言而莫予違也。如其善而莫之
違也。不亦善乎。如不善而莫之違也。不幾
乎。一言而喪邦乎。真聖人之言

葉公問政。子曰：近者說，遠者來。

子夏為莒父宰，問政。子曰：無欲速，無見小利。
欲速則不達，見小利則大事不成。真真

葉公語孔子曰：吾黨有直躬者，其父攘羊而
子證之。孔子曰：吾黨之直者，異於是。父為

子隱，子為父隱，直在其中矣。妙妙

樊遲問：仁。子曰：居處恭，執事敬，與人忠。雖之
夷狄，不可棄也。

子貢問曰：何如斯可謂之士矣。子曰：行己有
恥，使於四方，不辱君命，可謂士矣。曰：敢問
其次。曰：宗族稱孝焉，鄉黨稱弟焉。曰：敢問
其次。曰：言必信，行必果，硜硜然小人哉。抑
亦可以為次矣。曰：今之從政者，何如。子曰：

噫斗筭之人何足算也。

子曰不得中行而與之必也狂狷乎狂者進取狷者有所不爲也。具眼

子曰南人有言曰人而無恒不可以作巫醫善夫不恒其德或承之羞子曰不占而已矣。批語狠

子曰君子和而不同小人同而不和

子貢問曰鄉人皆好之何如子曰未可也鄉

人皆惡之何如子曰未可也不如鄉人之善者好之其不善者惡之。穩

子曰君子易事而難說也說之不以道不說也及其使人也器之小人難事而易說也說之雖不以道說也及其使人也求備焉子曰君子泰而不驕小人驕而不泰

子曰剛毅木訥近仁

子路問曰何如斯可謂之士矣子曰切切偲

惓惓怡怡如也可謂士矣朋友切切惓惓兄弟怡怡

子曰善人教民七年亦可以即戎矣

子曰以不教民戰是謂棄之真

論焉知賢才而舉之

直看仲弓是何等心腸便欲舉盡一世野無遺賢今之為宰者有是心否

論誦詩三百

或問即記着三百篇何以便能達政便能專對無知氏笑曰雖多亦奚以為正為子

輩說也詩以道性情誦詩所以和平性情不能專對者乎

論善人為邦百年

可笑人每說此以為父子相繼或以為先後相繼都看為邦百年呆了為邦百年只說他遺風流韻之久耳豈真百年為邦也哉○有一日之善政亦可百年

論不占而已矣

不占字勿太泥因上面所引是易之語故曰不占如于路終身誦之因上面是詩之語故說誦也

論鄉人皆惡之何如

你看子貢是何等眼孔欲取人于鄉人皆惡之中今人見一二二人說此人不好便為吠聲之犬矣要之子貢亦見得鄉人眼孔不可與論天下之士耳故夫子亦止曰未可說不可也曰未可者不如不善者惡之之為穩也

憲問第十四

五論附後

憲問恥子曰邦有道穀邦無道穀恥也

真可恥

克伐怨欲不行焉可以為仁矣子曰可以為難矣仁則吾不知也

子曰士而懷居不足以為士矣

痛快

子曰邦有道危言危行邦無道危行言孫

聖人

子曰有德者必有言有言者不必有德仁者必有勇勇者不必有仁

真

痛快

南宮适問於孔子曰羿善射。臯盪舟。俱不得其死。然禹稷躬稼而有天下。夫子不答。南宮适出。子曰。君子哉。若人。尚德哉。若人。子曰。君子而不仁者有矣。夫未有小人而仁者也。真

子曰。愛之能勿勞乎。忠焉能勿誨乎。說得婉

子曰。為命。禘。讎。草創之。世叔討論之。行人子羽脩飾之。東里子產潤色之。

或問子產。子曰。惠人也。問子西曰。彼哉。彼哉。問管仲曰。人也。奪伯氏駢邑三百。飯疏食。沒齒無怨言。春秋

子曰。貧而無怨。難。富而無驕。易。真

子曰。孟公綽為趙魏老。則優。不可以為滕薛大夫。春秋

子路問成人。子曰。若臧武仲之知。公綽之不欲。卞莊子之勇。冉求之藝。文之以禮樂。亦

可以為成人矣。曰：今之成人者，何必然？見利思義，見危授命，久要不忘平生之言，亦可以為成人矣。

子問公叔文子於公明賈，曰：信乎？夫子不言，不笑，不取乎？公明賈對曰：以告者過也。夫子時然後言，人不厭其言；樂然後笑，人不厭其笑；義然後取，人不厭其取。子曰：其然，豈其然乎？技痒

子曰：臧武仲以防求為後於魯，雖曰不要君，吾不信也。春秋

子曰：晉文公譎而不正，齊桓公正而不譎。

子路曰：桓公殺公子糾，召忽死之，管仲不死，曰：未仁乎？子曰：桓公九合諸侯，不以兵車，管仲之力也。如其仁，如其仁。

子貢曰：管仲非仁者，與桓公殺公子糾，不能死，又相之。子曰：管仲相桓公，霸諸侯，一匡

天下民到于今受其賜微管仲吾其被髮
左衽矣豈若匹夫匹婦之爲諒也自經於
溝瀆而莫之知也

公叔文子之臣大夫僕與文子同升諸公子
聞之曰可以爲文矣巧

子言衛靈公之無道也康子曰夫如是奚而
不喪孔子曰仲叔圉治賓客祝鮀治宗廟
孫賈治軍旅夫如是奚其喪

子曰其言之不忤則爲之也難真

陳成子弑簡公孔子沐浴而朝告於哀公曰

陳恒弑其君請討之公曰告夫三子孔子
曰以吾從大夫之後不敢不告也君曰告
夫三子者之三子告不可孔子曰以吾從
大夫之後不敢不告也一部春秋

子路問事君子曰勿欺也而犯之

子曰君子上達小人下達下達字奇

子曰古之學者為己今之學者為人

蘧伯玉使人於孔子孔子與之坐而問焉曰

夫子何為對曰夫子欲寡其過而未能也

使者出子曰使乎使乎真真

子曰不在其位不謀其政

曾子曰君子思不出其位

子曰君子恥其言而過其行

子曰君子道者三我無能焉仁者不憂知者

不惑勇者不懼子貢曰夫子自道也妙

子貢方人子曰賜也賢乎哉夫我則不暇狠

子曰不患人之不已知患其不能也

子曰不逆詐不億不信抑亦先覺者是賢乎

微生畝謂孔子曰丘何為是栖栖者與無乃

為佞乎孔子曰非敢為佞也疾固也妙對

子曰驥不稱其力稱其德也

或曰以德報怨何如子曰何以報德以直報

直

怨以德報德

聖人之言

子曰莫我知也。夫子貢曰何為其莫知子也。子曰不怨天不尤人。下學而上達。知我者其天乎。夫子受用

公伯寮愬子路於季孫。子服景伯以告曰夫。子固有惑志於公伯寮。吾力猶能肆諸市朝。子曰道之將行也與。命也。道之將廢也與。命也。公伯寮其如命何。伯寮沒趣

子曰賢者辟世。其次辟地。其次辟色。其次辟言。

子曰作者七人矣

子路宿於石門。晨門曰奚自。子路曰自孔氏。曰是知其不可而為之者與。知已

子擊磬於衛。有荷蕢而過孔氏之門者曰有。知已心哉擊磬乎。既而曰鄙哉硜硜乎。莫已知也。斯已而已矣。深則厲。淺則揭。子曰果哉。

四書
未之難矣

子張曰書云高宗諒陰三年不言何謂也子
曰何必高宗古之人皆然君薨百官總已
以聽於冢宰三年

子曰上好禮則民易使也

禮字要識

子路問君子子曰修己以敬曰如斯而已乎
曰脩己以安人曰如斯而已乎曰脩己以
安百姓脩己以安百姓堯舜其猶病諸

原襄夷侯子曰幼而不孫弟長而無述焉老

而不死是為賊以杖叩其脛

聖人不獨叩
原壤

闕黨童子將命或問之曰益者與子曰吾見
其居於位也見其與先生並行也非求益
者也欲速成者也

論夫子不答

深契其言而神賞之非有所忌諱而不言
也及至亟稱之曰君子哉若人尚德哉若
人特神賞
之餘耶

論若臧武仲之知公綽之不欲卞莊子

之勇冉求之藝

要看頂上一若字。謂如四子之知。廉勇藝。隨有一樣俱可。文之以禮樂。俱可為成人也。故可以為成人矣。上面下一赤字。此亦字。正與若字相應。不說定兼四子之長。然後可文之。以禮樂也。禮樂是丹頭。知廉勇藝。是銅鐵丹頭。既到所投。皆化。何必銅鐵色。色俱備哉。

論其然豈其然乎

向來以此二語為譏文子之辭。如此則聖人為一笑。薄吳人矣。豈有此理。不過說到

時言樂笑義取搔着宣老痒處。不自覺其言之如此歡欣踴躍耳。與文子有何交涉。

論知我者其天乎

夫子有這一個知己。儘不寂寞。又何必人知也哉。

論既而曰

荷簣到此。又是後念矣。渠說有心哉。擊磬乎之時。用世之念亦覺微動。後來轉一念頭。便有許多憤激說話。故夫子以果哉。未難挑之。亦知其是个有心人也。

衛靈公第十五附論

衛靈公問陳於孔子。孔子對曰：俎豆之事，則嘗聞之矣；軍旅之事，未之學也。明日遂行。在陳絕糧，從者病，莫能興。子路愠，見曰：君子亦有窮乎？子曰：君子固窮，小人窮斯濫矣。聖人

子曰：賜也，女以予爲多學而識之者，與？對曰：然。非與？曰：非也。予一以貫之。

子曰由知德者鮮矣

子曰無爲而治者其舜也與夫何爲哉恭已正南面而已矣

子張問行子曰言忠信行篤敬雖蠻貊之邦行矣言不忠信行不篤敬雖州里行乎哉立則見其參於前也在輿則見其倚於衡也夫然後行子張書諸紳

二見字可參

子曰直哉史魚邦有道如矢邦無道如矢君子哉蘧伯玉邦有道則仕邦無道則可卷而懷之

子曰可與言而不與之言失人不可與言而與之言失言知者不失人亦不失言

子曰志士仁人無求生以害仁有殺身以成仁

子貢問爲仁子曰工欲善其事必先利其器居是邦也事其大夫之賢者友其士之仁

四書
者

顏淵問爲邦子曰行夏之時乘殷之輅服周之冕樂則韶舞放鄭聲遠佞人鄭聲淫佞人始萬世之典

子曰人無遠慮必有近憂

子曰已矣乎吾未見好德如好色者也

子曰臧文仲其竊位者與知柳下惠之賢而不與立也可惡在知

子曰躬自厚而薄責於人則遠怨矣

子曰不曰如之何如之何者吾未如之何也已矣巧

子曰羣居終日言不及義好行小慧難矣哉

子曰君子義以爲質禮以行之孫以出之信以成之君子哉

子曰君子病無能焉不病人之不己知也

子曰君子疾沒世而名不稱焉

子曰君子求諸已小人求諸人

子曰君子矜而不爭羣而不黨

子曰君子不以言舉人不以人廢言

子貢問曰有一言而可以終身行之者乎子

曰其恕乎已所不欲勿施於人說得有味

子曰吾之於人也誰毀誰譽如有所譽者其

有所試矣斯民也三代之所以直道而行

也

子曰吾猶及史之闕文也有馬者借人乘之

今亡矣夫

子曰巧言亂德小不忍則亂大謀

子曰衆惡之必察焉衆好之必察焉

子曰人能弘道非道弘人

子曰過而不改是謂過矣

子曰吾嘗終日不食終夜不寢以思無益不

如學也真話

子曰君子謀道不謀食耕也餒在其中矣學也祿在其中矣君子憂道不憂貧

子曰知及之仁不能守之雖得之必失之知

及之仁能守之不莊以蒞之則民不敬知

及之仁能守之莊以蒞之動之不以禮未

善也逐步進好文法

子曰君子不可小知而可大受也小人不可

大受而可小知也不可小知猶言不易測識

子曰民之於仁也甚於水火水火吾見蹈而

死者矣未見蹈仁而死者也嘆絕

子曰當仁不讓於師

子曰君子貞而不諒

子曰事君敬其事而後其食

子曰有教無類

子曰道不同不相為謀

子曰辭達而已矣

道。賢。以。為。常。人。以。為。事。聖。

師冕見及階子曰階也及席子曰席也皆坐

子告之曰某在斯某在斯師冕出子張問

曰與師言之道與子曰然固相師之道也

論立則見其參于前也在與則見其倚

于衡也

言忠信行篤敬誠意也誠身也此說二見
字分明說致知明善矣昔周海門先生曾
於許敬菴先生及之

論樂則韶舞

行夏之時便的說个行夏之時乘殷之
輅便的說个說个乘殷之輅服周之冕便的
的說个服周之冕至于韶舞所以盡美未
似有斟酌擬議者在此武之舞所以盡美未
盡善也與游于其間故口氣如此夫子說到
此不覺神游于其間故口氣如此

論竊位

說他竊位分明罵他是个賊矣知人之
賢而如嫉之者非賊而何非賊而何

論誰毀誰譽

誰毀誰譽與無毀無譽不同誰毀猶言毀
得那也誰譽與無毀無譽不同誰毀猶言毀
民也誰譽與無毀無譽不同誰毀猶言毀
看二誰字不透明三直道而行也相應人惟

論君子不可小知

謂君子不可以小處知之也非謂細事未必可觀若細事未必可觀何以爲君子

論然固相師之道也

說相師之道而着一固字抹却子張多少奇特想矣

季氏第十六

三論附後

季氏將伐顓臾冉有季路見於孔子曰季氏

將有事於顓臾孔子曰求無乃爾是過與

夫顓臾昔者先王以爲東蒙主且在邦域

之中矣是社稷之臣也何以伐爲冉有曰

夫子欲之吾二臣者皆不欲也孔子曰求

周任有言曰陳力就列不能者止危而不

持顛而不扶則將焉用彼相矣且爾言過

矣。虎兕出於柙，龜玉毀於櫝中，是誰之過與？冉有曰：「今夫顓臾固而近於費，今不取，後世必爲子孫憂。」孔子曰：「求！君子疾夫舍曰欲之而必爲之辭。丘也聞有國有家者，不患寡而患不均，不患貧而患不安。蓋均無貧，和無寡，安無傾。夫如是，故遠人不服，則脩文德以來之。既來之，則安之。今由與求也，相夫子遠人不服而不能來也，邦分

崩離析而不能守也，而謀動干戈於邦內。吾恐季孫之憂不在顓臾而在蕭牆之內也。」聖人如神明也。

孔子曰：「天下有道則禮樂征伐自天子出，天下無道則禮樂征伐自諸侯出，自諸侯出蓋十世希不失矣；自大夫出，自五世希不失矣；自陪臣執國命，自三世希不失矣。天下有道則政不在大夫，天下無道則庶人不議。」

孔子曰祿之去公室五世矣政逮於大夫四世矣故夫三桓之子孫微矣春秋

孔子曰益者三友損者三友友直友諒友多聞益矣友便辟友善柔友便佞損矣指點分明

孔子曰益者三樂損者三樂樂節禮樂樂道人之善樂多賢友益矣樂驕樂佚遊樂宴樂損矣

孔子曰侍於君子有三愆言未及之而言謂之躁言及之而不言謂之隱未見顏色而言謂之瞽

孔子曰君子有三戒少之時血氣未定戒之在色及其壯也血氣方剛戒之在鬪及其老也血氣既衰戒之在得

孔子曰君子有三畏畏天命畏大人畏聖人之言小人不知天命而不畏也狎大人侮聖人之言

知字點得好

孔子曰生而知之者上也。學而知之者次也。困而學之又其次也。困而不學民斯為下矣。說得明白

孔子曰君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。

孔子曰：見善如不及，見不善如探湯。吾見其人矣，吾聞其語矣。隱居以求其志，行義以

達其道，吾聞其語矣，未見其人也。

齊景公有馬千駟，死之日，民無德而稱焉。伯夷、叔齊餓于首陽之下，民到于今稱之，其斯之謂與。

陳亢問於伯魚曰：子亦有異聞乎？對曰：未也。嘗獨立，鯉趨而過庭，曰：學詩乎？對曰：未也。不學詩，無以言。鯉退而學詩。他日又獨立，鯉趨而過庭，曰：學禮乎？對曰：未也。不學禮，

無以立鯉退而學禮聞斯二者陳亢退而喜曰問一得三聞詩聞禮又聞君子之遠

其子也

邦君之妻君稱之曰夫人夫人自稱曰小童
邦人稱之曰君夫人稱諸異邦曰寡小君
異邦人稱之亦曰君夫人

論天下有道則政不在大夫天下有道則庶人不議

言文字

顧涇陽先生曰此以上顯誅在下之人也此以下陰咎在上之人也一部春秋大半在此

論畏天命

君子只為知天命故畏天命所云識法者懼也畏大人畏聖人之言亦是知天命耳最妙從小人處點出知字聖人之婆心如此

論君子有九思

此指人以知之路也教他零碎思去自有此一個圖圖知逆出來聞之觀性喜禪師如此

第三答
纔用孔
子字妙
妙

陽貨第十七

七論
附後

奸

陽貨欲見孔子孔子不見歸孔子豚孔子時
其亡也而往拜之遇諸塗謂孔子曰來予
與爾言曰懷其寶而迷其邦可謂仁乎曰
不可好從事而亟失時可謂知乎曰不可
日月逝矣歲不我與孔子曰諾吾將仕矣
子曰性相近也習相遠也
子曰唯上知與下愚不移

千古定案

妙聖人圖

聖賢之
眼不同

子之武城聞弦歌之聲夫子莞爾而笑曰割
 雞焉用牛刀子游對曰昔者偃也聞諸夫
 子曰君子學道則愛人小人學道則易使
 也子曰二三子偃之言是也前言戲之耳
 公山弗擾以費畔召子欲往子路不說曰未
 之也已何必公山氏之之也子曰夫召我
 者而豈徒哉如有用我者吾其為東周乎
 子張問仁於孔子孔子曰能行五者於天下

為仁矣請問之曰恭寬信敏惠恭則不侮
 寬則得眾信則人任焉敏則有功惠則足
 以使人

佛肸召子欲往子路曰昔者由也聞諸夫子
 曰親於其身為不善者君子不入也佛肸
 以中牟畔子之往也如之何子曰然有是
 言也不曰堅乎磨而不磷不曰白乎涅而
 不緇吾豈匏瓜也哉焉能繫而不食

子曰由也女聞六言六蔽矣乎對曰未也是
 吾語女好仁不好學其蔽也愚好知不好
 學其蔽也蕩好信不好學其蔽也賊好直
 不好學其蔽也絞好勇不好學其蔽也亂
 好剛不好學其蔽也狂學之不可已如此
 子曰小子何莫學夫詩詩可以興可以觀可
 以羣可以怨邇之事父遠之事君多識於
 鳥獸草木之名

子謂伯魚曰女爲周南召南矣乎人而不爲

周南召南其猶正牆面而立也與真

子曰禮云禮云玉帛云乎哉樂云樂云鐘鼓

云乎哉

子曰色厲而內荏譬諸小人其猶穿窬之盜

也與痛快之甚

子曰鄉原德之賊也

子曰道聽而塗說德之棄也

子曰鄙夫可與事君也與哉其未得之也患得之既得之患失之苟患失之無所不至矣真可鄙

子曰古者民有三疾今也或是之亡也古之狂也肆今之狂也蕩古之矜也廉今之矜也忿戾古之愚也直今之愚也許而已矣

子曰巧言令色鮮矣仁

子曰惡紫之奪朱也惡鄭聲之亂雅樂也惡

嘆絕

利口之覆邦家者

子曰予欲無言子貢曰子如不言則小子何述焉子曰天何言哉四時行焉百物生焉天何言哉

孺悲欲見孔子孔子辭以疾將命者出戶取瑟而歌使之聞之妙

宰我問三年之喪期已久矣君子三年不為禮禮必壞三年不為樂樂必崩舊穀既沒

新穀既升鑽燧改火期可已矣子曰食夫
 稻衣夫錦於女安乎曰安女安則爲之夫
 君子之居喪食旨不甘聞樂不樂居處不
 安故不爲也今女安則爲之宰我出子曰
 予之不仁也子生三年然後免於父母之
 懷夫三年之喪天下之通喪也予也有三
 年之愛於其父母乎
是日宰我何以生活
 子曰飽食終日無所用心難矣哉不有博奕

者乎爲之猶賢乎已

子路曰君子尚勇乎子曰君子義以爲上君

子有勇而無義爲亂小人有勇而無義爲

盜狠

子貢曰君子亦有惡乎子曰有惡惡稱人之

惡者惡居下流而訕上者惡勇而無禮者

惡果敢而窒者曰賜也亦有惡乎惡微以

爲知者惡不孫以爲勇者惡訐以爲直者

心之

子曰唯女子與小人為難養也。近之則不孫，遠之則怨。

子曰年四十而見惡焉，其終也已。悚人

論孔子時其亡也而往拜之

時適值其時也。乃時中之聖本來面目。何故孟子以為亦矚其亡也。而往拜之。分明只說得孟子自家話。原不曾說着孔子葉文通謂孔子若是矚亡不獨貌似陽虎矣。固為快論。而青浦楊長倩復作頌曰。當時若說曾窺矚。何不途中預避之。尤為暢絕。

論孔子曰諾吾將仕矣

或問前面懷其寶而迷其邦。可謂仁乎。曰不可。處應着孔子曰。三字何故至此。乃始說孔子曰哉。曰前面返論原不說到孔子。身上故不着孔子字。及至日月逝矣。歲不着與已說。到此記者之妙也。

論惟上知與下愚不移

此望人移也。上知無下移之理。惟下愚不肯上移。所以為下愚也。罵之之詞亦激之語之。

論六言

仁。知。信。直。勇。剛。六德也。不曰六德而曰六言。極妙。蓋未學之前。不過外面六個字。

未為德也所以猶可蔽而為愚蕩賊絞亂在乎

論惡利口之覆邦家者

第三句忽換者字尤見其深惡痛疾之意

論天何言哉四時行焉百物生焉天何

言哉

子貢言浮于行故夫子借自家下他一段渠却鶻突真向夫子身上尋求夫子只得說出本意曰天何言哉四時行焉百物生焉天何言哉只是勉他行耳今人都看錯便把仲尼點化子貢本懷埋沒千有餘年

論惡居下流而訕上者

周海門先生曰此語人都錯會都看做惡居下而訕上者古之聖賢猶設靴鐸以引下人之諫上有過惡居下者訕之亦不合惡須要一看一流字蓋下流不長進之人而可惡也所以可惡也

論吾豈匏瓜也哉

王龍谿先生曰凡有形有色者俱不免于污壞所謂器也夫子從無處安身立命心同太虛超乎形色之外故不可得磷淄所謂不器也故曰吾豈匏瓜也哉其旨微矣

非老不
能用遠
是非能
方謂之老

微子第十八 七論 附後

微子去之箕子爲之奴比干諫而死孔子曰

殷有三仁焉 恐人作兩樣看

柳下惠爲士師三黜人曰子未可以去乎曰

直道而事人焉往而不三黜枉道而事人

何必去父母之邦 誰說此老一味和

齊景公待孔子曰若季氏則吾不能以季孟

之間待之曰吾老矣不能用也孔子行

舉國若狂矣

齊人歸女樂季桓子受之三日不朝孔子行
楚狂接輿歌而過孔子曰鳳兮鳳兮何德之
衰往者不可諫來者猶可追已而已而今
之從政者殆而孔子下欲與之言趨而辟
之不得與之言此人甚怪

長沮桀溺耦而耕孔子過之使子路問津焉
長沮曰夫執輿者為誰子路曰為孔丘曰
是魯孔丘與曰是也曰是知津矣問於桀

真聖人之言

溺桀溺曰子為誰曰為仲由曰是魯孔丘
之徒與對曰然曰滔滔者天下皆是也而
誰以易之且而與其從辟人之士也豈若
從辟世之士哉耰而不輟子路行以告夫
子憮然曰鳥獸不可與同羣吾非斯人之
徒與而誰與天下有道丘不與易也

子路從而後遇丈人以杖荷蓀子路問曰子
見夫子乎丈人曰四體不勤五穀不分孰

爲夫子植其杖而芸子路拱而立止子路
宿殺雞爲黍而食之見其二子焉明日子
路行以告子曰隱者也使子路反見之至
則行矣子路曰不仕無義長幼之節不可
廢也君臣之義如之何其廢之欲潔其身
而亂大倫君子之仕也行其義也道之不
行已知之矣

逸民伯夷叔齊虞仲夷逸朱張柳下惠少連

子曰不降其志不辱其身伯夷叔齊與
柳下惠少連降志辱身矣言中倫行中慮
其斯而已矣謂虞仲夷逸隱居放言身中
清廢中權我則異於是無可無不可

大師摯適齊亞飯干適楚三飯繚適蔡四飯
缺適秦鼓方叔入於河播鼗武入於漢少
師陽擊磬襄入於海

與安祿山
舞馬同義

周公謂魯公曰君子不施其親不使大臣怨

乎不以故舊無大故則不棄也無求備友
一人只是忠厚二字盡之矣

周有八士伯達伯适仲突仲忽叔夜叔夏季

隨季騮不必定是一乳兩子只言其盛罷了

論柳下惠為士師三黜

夫讀至此真可慨矣民命至重乃有以非道殺人之者乎若非柳下惠直道事人以身當之不知枉殺却多少人矣為士師而三黜所全多矣聖賢在位有益于人夫率如此他日曾子又謂陽膚曰上失其道民散久矣如得其情則哀矜而勿喜說至此

欲不以直道事人自不能也

論何必去父母之邦

此非將改操也甚言寧三黜決不枉道事人也

論是魯孔丘與曰是也及魯孔丘之徒

與對曰然

說夫子便曰是也分明說別人的精神說自家便曰然分明說自家的精神一字之異精神頓別古人文宇傳神如此今之作者亦畱心于此否乎

論天下有道丘不與易也

人之識見不同如此在桀溺以為滔滔天下皆是也而誰以易之在夫子以為天下一道丘不與易也顧涇陽先生有言天下一毫可為聖賢不肯放手說盡兩家矣

論四體不勤五穀不分

此是丈夫自家專業之語言我四體不勤五穀就不分了我只好管我耕者之事那得閒工夫管你夫子自是四體不分五穀不分何便說責脩子路不勤四體不分五穀亦未有不說論何人而都責他耕田的理思之可發大笑

論道之不行已知之矣

此是子路一時懽語不可作實說夫子明言天下有道丘不與易也君子之仕定為行道而仕之理

論無可無不可

此處勿作道理觀如毋意毋必等項也只此是夫子不忍忘天下不恐以其身為逸民耳然事勢如此又不敢定其身不為逸民也大抵是無聊賴之語

子張第十九

七論附後

子張曰士見危致命見得思義祭思敬喪思

哀其可已矣

緣何致命不
言思參之

子張曰執德不弘信道不篤焉能為有焉能

為亡

子夏之門人問交於子張子張曰子夏云何

對曰子夏曰可者與之其不可者拒之子

張曰異乎吾所聞君子尊賢而容眾嘉善

而矜不能我之大賢與於人何所不容手
 之不賢與人將拒我如之何其拒人也是說得
 子夏曰雖小道必有可觀者焉致遠恐泥是
 以君子不為也如何叫
 子夏曰日知其所亡月無忘其所能可謂好
 學也已矣知此二
 子夏曰博學而篤志切問而近思仁在其中
 矣也奇

子夏曰百工居肆以成其事君子學以致
 道事字

子夏曰小人之過也必文真

子夏曰君子有三變望之儼然即之也溫聽

其言也厲神盡

子夏曰君子信而後勞其民未信則以為厲

已也信而後諫未信則以為謗已也如何方叫

子夏曰大德不踰閑小德出入可也此公見

子游曰子夏之門人小子當洒掃應對進退則可矣抑末也本之則無如之何子夏聞之曰噫言游過矣君子之道孰先傳焉孰後倦焉譬諸草木區以別矣君子之道焉可誣也有始有卒者其唯聖人乎

子夏識得本末

子夏曰仕而優則學學而優則仕

都指已仕者說

子游曰喪致乎哀而止

知本之言

子游曰吾友張也為難能也然而未仁

如何叫做仁

曾子曰堂堂乎張也難與並為仁矣

可見朋友原是並為仁的

曾子曰吾聞諸夫子人未有自致者也必也親喪乎

曾子曰吾聞諸夫子孟莊子之孝也其他可能也其不改父之臣與父之政是難能也

孟氏使陽膚為士師問於曾子曾子曰上失其道民散久矣如得其情則哀矜而勿喜子貢曰紂之不善不如是之甚也是以君子

不○改○不○
恐○改○也
正○是○真
孝

仁○人○之
言

一惡居下流天下之惡皆歸焉

子貢曰君子之過也如日月之食焉過也人

皆見之更也人皆仰之是眞知君子之過者

衛公孫朝問於子貢曰仲尼焉學子貢曰文

武之道未墜於地在人賢者識其大者不

賢者識其小者莫不有文武之道焉夫子

焉不學而亦何常師之有師文武耳

叔孫武叔語大夫於朝曰子貢賢於仲尼子

何知其不如者

服景伯以告子貢子貢曰譬之宮牆賜之

牆也及肩窺見室家之好夫子之牆數仞

不得其門而入不見宗廟之美百官之富

得其門者或寡矣夫子之云不亦宜乎

叔孫武叔毀仲尼子貢曰無以爲也仲尼不

可毀也他人之賢者丘陵也猶可踰也仲

尼日月也無得而踰焉人雖欲自絕其何

傷於日月乎多見其不知量也痛快

陳子禽謂子貢曰子為恭也仲尼豈賢於子乎子貢曰君子一言以為知一言以為不知言不可不慎也夫子之不可及也猶天之不可階而升也夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

對淺人不得不知此淺說

論見危致命

下三語俱有思字獨此語無思字見聖賢文字之妙蓋此處容不得思一思身家之念便起如何致得命成

論致遠

如何喚做致遠小道致不得遠必大道方可致遠又如何喚做大道此性命微言勿隨註腳草草看過

論日知其所云

聖賢所謂日知決非增多聞見而已且反身驗之如何日知又如何日知其所云極可思極可思

論仁在其中矣

如何喚做仁博學而篤志切問而近思仁
 便在其中且道所學所志所問所思是仁
 即學即志即問即思是仁離學離志離問
 離思別有仁參之參之自有覲面相逢日
 子

論百工居肆以成其事

不說成其器而說成其事極可思蓋說成
 其事則技藝已成權柄在我器正從此出
 耳然則學以致道從可知已

論譬諸草木區以別矣

本末原不是兩樣木之根本便是本木之
 枝葉便是末故本末二字俱從木字一點
 者生意也此一點收藏在木之下故成木
 字此一點發散在木之上故成末字曰區
 以別者猶言明白也說道只看草木便知
 本末是一不是二矣君子之道九句總是
 說本末是一有末便有本
 以破子游支離之見耳

更也人皆仰之

更不作改義如一更二更之更猶言等一
 會也如時移世易字項蓋君子之過
 原不是過人見謂過耳如日月之食原不
 是食人見謂食耳少頃人始知其非過而
 生敬仰之心若有
 過而改何仰之有

帝玉授
受只是
為民而
已

堯曰第二十

二論
附後

堯曰咨爾舜天之曆數在爾躬允執其中四海困窮天祿永終舜亦以命禹曰予小子履敢用玄牡敢昭告于皇皇后帝有罪不敢赦帝臣不蔽簡在帝心朕躬有罪無以萬方萬方有罪罪在朕躬周有大賚善人是富雖有周親不如仁人百姓有過在予一人謹權量審法度脩廢官四方之政行

焉與滅國繼絕世舉逸民天下之民歸心焉所重民食喪祭寬則得衆信則民任焉敏則有功公則說

子張問於孔子曰何如斯可以從政矣子曰尊五美屏四惡斯可以從政矣子張曰何謂五美子曰君子惠而不費勞而不怨欲而不貪泰而不驕威而不猛子張曰何謂惠而不費子曰因民之所利而利之斯不

美者真
美惡者
真惡

亦惠而不費乎擇可勞而勞之又誰怨欲仁而得仁又焉貪君子無衆寡無小大無敢慢斯不亦泰而不驕乎君子正其衣冠尊其瞻視儼然人望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令致期謂之賊猶之與人也出納之吝謂之有司子曰不知命無以爲君子也不知禮無以立

也。不知言無以知人也。三知字收拾

論四海困窮天祿永終

四海一困窮。天祿便永終了。君之所以享
有天祿者。為一人乎。為四海乎。思之。
危矣。危矣。此堯舜大聖人親口可
嚀之語也。勿要不信。勿要不信。

論知命知禮知言

序。帝王之政。乃以三知結之。最有意。味此
三知者。內聖也。其餘政事外。王也。有此三
知。美者自尊。惡者自屏。所行皆堯舜禹湯
文武一脈。仁民之政。已況堯舜禹湯文武
之所以能仁民者。亦得之于知耳。然則知
豈小事也哉。以之結局。最為得之。以見此

知者聖學之所以
成終成始者也

